

hov blitt sendt
heim til 6-7 s.

Workshop i digital historiefortelling

8.-9. desember skal Austebygd skule gjennomføra eit kurs i digital historieforteljing i samband med USA-prosjektet vårt. Då kjem Kristoffer Pahle Pedersen frå Jazzmontør og har workshop med oss.

KVA ER EIN DIGITAL HISTORIE?

Det er ein kort film med personleg vinkling kring eit tema. Historia lagast av forteljaren sjølv og baserar seg på stillbilete, enkle videoklipp, teikningar, forteljerstemme og lyd.

KVA SKAL ME GJERA?

Me skal laga historiar som seier noko om kven du er og korleis det er å vera deg- om hobbyar, skulen, familielivet og øya du bur på. Vil du skriva om dyr, natur og friluftsliv, fiske, korps, vennskap, hyttetur, middag, huset ditt, ein vanleg dag, familieliv, juletradisjonar eller noko heilt anna?

På førehand blir me einige om kva historie du vil fortelja. På kurset brukar me tid på å skriva historia på ein god måte, og les etter kvart inn historia på ein lydopptakar.

Forteljarstemmen blir så sett saman med bilete, videosnuttar og teikningar på datamaskina. Alle redigerer sine filmar og til slutt har me ein premiefest der me ser alle filmene saman.

Videre håpar me å sende desse historiane til vennskapsklassen vår i USA, og få tilbake liknande historiar frå dei. På denne måten vert me betre kjend med kvarandre!

FØREBUINGAR

Det me ynskjer at elevane gjer heime er eventuelt å samla inn bilete og liknande som dei ynskjer å ha med i sin forteljing. Då er det viktig å tenkja på kva type bilete/teikningar/eventuelle videoar som kan passa til din forteljing. Skal du skriva om fotball, er det fint om du har bilete frå fotballtrening, kanskje av utstyret du brukar osv.

Uansett kva du skal skriva om, hugs:

Du kan berre bruka bilete du har fått godkjenning til å bruka, både av dei du ser på biletet og av foreldra dine. Kanskje kan du ta biletet bakfrå slik at ein ikkje ser ansikta til dei som er på biletet? Det er fint med bilete som er tatt langt frå, men det er og fint med nærbilete.

Bileta kan sendast til Linn eller Linn på mail/It`s learning, eller de kan ha dei med på minnepenn. Skulen har diverre ikkje kamera til heimplån, men dersom ein skal ta bilete på skulen kan de nytta kamera her.

Dersom de heime har spørsmål kring noko av dette, svarar me gjerne. Ta kontakt på telefon eller mail.

Helsing Linn S. og Linn M.